

ewigen zeiten eynen schenckkeller bestetiget vnd bestetigen yn den also von vnser furstlichen gewalt mit krafft dises briues Also das sie furdermehr ewiclichin in irem fleckis keller schencken sullen vnd mugen fremde wyne ader biere welch yn aller ebenst vnd notlichst ist nach gelegenheid des Jaris vnd der sache / Also das yn darynne getrenckis nicht bruch werde vnd sollin vns vnd vnsern erben uff vnser Slos eyme iglichen vnssm Amptmann daselbs von vnser wegn von eyme iglichen fuder fremdes getrenckis es sy bier ader win zu schenckerechte reichin vnd geben drie schillinge pfennige land wehre vnd von eyme iglichen fuder wins yn selbis in der flurmarcke gewachsen vnd von eyme fuder biers daselbis zu herbisleiben gebrewet eynen schilling pfennige landwehre / vnd was sy also von dem schencken fremdes getrenckis in irem keller gewynnen das sullen sy vorbuwen vnd anlegen an thorus huser bergfride wende vnd ander des dorffes gebuwde zu buwen vnd zu bessern wo das an dem besten vnd notlichsten ist / nach erkentnisse vnd mit rate eynes vns amptmañes der dann do ist vnd irer vormunden vnd sollin auch von sollichem gewynn des schenckens gebuwis vnd besserûge woran sy das legen rechenûge tun irer gemeyne in genwertikeid vnser amptmañes ader wen wir dartzu schicken / Ouch haben wir yn dy gnade getan / was ire winschencke von getrencke von des fleckis wegn den nackeburen daselbs vorborgete / das ihr eygen knecht des fleckis dem winschencken von den schultluten mag phande helffen ober solliche geld als obir ander des fleckis bruche vnd phlichtikeid vor vnder sich phlegen zcu helffen lassen / Ouch sollin dieselbin vnser menre vnss dorffes herbisleiben irer iglicher besundern nach in eyner geselleschafft daruber kein fremde getrencke vsswendig des fleckis holê lassen anders dann in dem flecke zu herbisleiben / vnd diese vnser gnade vnd befestigung sal den genâten vnss menren vnss dorffis herbisleibn gentzlichen vnshedelichin sy an den gnaden vnd friheite dy vnser eldn ader wir yn vorgegeben ader getan hetten vssgeschlossen alle argelist vnd geuerde / Czu Orkunde vnd warem bekentnisse haben wir friderich lantgraue zu do-